

**ECCLESIA DEI
DIVINO SPIRITU
MOLITORE
RUINARUM
INSTRUMENTIS...**

Paolo Girolamo Pallavicini,
Valenti Gonzaga



Handwritten title or note at the top of the page.

BOCCALIA DEI

DIVINO SPIRITU

Testamentum in ista forma

Testamentum

Testamentum

DE SPIRITU

DE SPIRITU

ORATIO

Habito in 2. alla Porta

AD SANCTISSIMUM

INNOCENTII XII.

PONT. MAX.

APUD HANC

Handwritten signature or name.

ROMA, MEDICIS

Typographia Joannis Francisci

1717

INNOCENTIO XII.

PONT. MAX.

PAULUS HIERONYMUS PALLAVICINUS
Fœlicitatem.



CHRISTI Domini Ecclesia, quæ di-
vini Spiritus Adventu, antiquis
excidiorum instrumentis, sono sci-
licet, igne, & diversitate lingua-
rum, extracta per hanc Orationem
describitur, tuo notari nomine postulat, BEATIS-
SIME PATER. Ille enim ipse in Ecclesiæ Te
Caput assumpsit Cœlestis Spiritus, qui mirificis illis
olim modis molitus Ecclesiam est. Sisto igitur Bea-
titudini Tuæ expressam hic Christi Ecclesiæ structu-
ram, quam Ipse tibi divinus Opifex concreditam
voluit, dum Sacro Terrarum Imperio dignus, Cælo
judice, & suffragante Spiritu veritatis, es visus.
Et dignus quidem: si enim, quæ antiquitus fuerant
exitia, nova vertit in beneficia Deus, dum Eccle-
siam molitur; Tu vel ipsa calamitatum nomina
splendida miseratione illustras, Ecclesiam dum
regis. Inopiam nempe, luctum, atque famem non
modo angusto, benignoque vultu excipis, verum
etiam liberali, ac regia pectoris beneficentia ad de-
licias

*licias usque solaris: ut quibus erecta, iisdem stet
 Machinis Ecclesia, calamitatibus nimirum in fæ-
 licitatem conversis. Quam benè Pontifex Beatissi-
 me, Petri solium implet, si ad illud unà cum sce-
 ptis Dynastarum lacrima Populorum ad-vol-un-
 tur, ut di-vino Tuae liberalitatis ingenio eliquentur
 in gaudia? Quam abundè Christi Oves pascis in
 Vaticano, si te Pastore egenis, & miseris felicitatis
 argumentum est, non esse felices? Quam aptè Tibi
 tradita Regni cælestis cla-ves, si regiam sanè do-
 mum, & quoddam quasi Cælum in terra iis rese-
 ras, qui inopia sua angustiis pressi vel terræ angu-
 lum desperaverant? Optimo igitur jure, quam Ec-
 clesie spopondit Deus, Tibi beneficentissimo Pastori
 ac Parenti immortalitatem auguramur. Esto ipsa
 Tui nominis immortale monimentum Ecclesia;
 ipsa, dum Tu, præstructo Tibi exiguo corporis tu-
 mulo, famam, vel ante cineres, contempsisti, egre-
 gio contemptori amplissimè pensabit contemptæ glo-
 riæ jacturam solidissima eternitate: Ut simul cum
 ipsa Dei Ecclesia terroris & ruinæ instrumentis di-
 vinitus erecta, nunquam non mansura, maneat
 semper in Posteritatis animis & linguis faustissi-
 mum, atque augustissimum nomen, INNOCEN-
 TIVS. XII.*

ORA:



ORATIO.



IUVAT in Cælum timida nimium vota laxare, B.P., cum Dei Spiritu adveniente, eò felicitatis deventum, ut inspem abierint timoris irritamenta, & futura in argumentum victoriæ cesserint præteritarum cladium insignia. Nihil certè nobis timendum magis, quam timor votorum, quando celestis hic Spiritus, quæ in Orbis perniciem è Cælo contorserat exitiorum instrumenta, jam in Orbis arma, non ad hostilem, sed amicam, & amabilem Cæli expugnationem recudit: & quibus olim petebat hominum scelera machinamentis, eriguntur hodierna luce spes omnium, & vota. Sonum scilicet, Jerico antiquitus everforem, nunc ad Ecclesiam statuendam attemperat; hanc ut muniat, flammæ olim in Pentapolitanum excidium effusas eventilat; hæc demum Cælo
con-

contermina ut fiat, linguarum divortia, quibus grande Babilonica Arcis rudimentum, elusum jacuit, in partem operis vocat. Sic firmior ex Sono, ex Igne validior, ex Divisione linguarum excellior Civitas Dei, per tria exitiorum instrumenta & nomina, architectante Dei Spiritu, feliciter extruitur, & firmatur.

Spiritus igitur veritatis septem illas buccinas impulit, quibus olim personare Sacerdotes videbantur; obsessa Jerico mœnia septiès in orbem obeuntes: eo maximè nomine victoria digni, quod ad victoriam, per quamdam triumphum potius, quam certaminis, speciem, mirificè pergerent. Quasi insanientes ex adverso hostis irridebat, quos debuerat timere, cum cœlesti sapientia feliciter insanirent; nec telorum acie, sed Dei armarentur instinctu, victores ante futuri, quam milites. Septenis iterum classicis canitur, dum totidem nempe muneribus, repentinus è Cœlo sonus, tamquam Advenientis Spiritus vehementis, augustam Apostolorum Curiam implevit, non ut Ecclesiæ Senatum affligat, sed Patrum ut animos firmet, quorum subindè sonus in omnem Terram exivit, acceptæque divinitatis copiam refundens, Populos, & Regna salubriter inflam-mavit. Sapientissimam illis insaniam ebri-tati verterit Hierosolyma, riserit Gentium

con-

contumacia, extruciari rabies Tyrannorum ; felicissima celeritate pugnatum tamen : primo Evangelicarum Tubarum clangore fusi hostes, strata Idola, diruta Tempia, in Capitolio triumphatum.

Triumphator verò Sonus ad triumphum cum Igne conspiravit, quicum bellator coniuraverat in bellum. Ex alto sulphuris aggere quinque illæ Urbes, flagitio juxta infames, ac exitio nobiles, lividos huc oculos vertant. Pluvium in flammam Cælum, quo illarum fortassè adhuc cineres calent, nascentem Ecclesiam cingere, ac munire suspiciant, ardentium vallo tempestatum. Horrendum in illis supplicium, maximum in ista beneficium, Spiritus æstuantis incendium. Illud, in Uxore Lothi crimen fuerit, vel spectasse; hoc, in Apostolis virtus est, vel meruisse; laus exoptasse; privilegium sensisse. Hinc in Orbem Universum volatilis elementi impatientia, hinc in Populos lux irrequieta, hinc ardor ineluctabilis. Terris longè latèquæ conflagentibus, undique concursum ad flammam, toto quas non potuit Nilo, aut Gange, aut Oceano interfuso Terrarum Orbis restinguere. Quinimò ex ipso Apostolorum sanguine vires intendebat ignis in funere, majus ut excitaret incendium post cineres.

Absoluta tandem res est, ac triplex illud exitiorum nomen migravit in structuram, & incre-

incrementum Ecclesiæ : hujus nimirum erecta Moles, eadem diversitate linguarum, quæ Babilonicæ Turris elisa temeritas est. Illuc enim itum in astra, quæ Gigantum deturbata superbia, inauspicatum iter molientium. Tunc vocum discordia machinas in Cælum cuntes disiecit; nunc in discipulos dispersita linguarum diversitas iter in Cælum aperuit. Nec sanè Gigantes Apostolis defuere, in quos armarent multiformes linguarum suarum ignes. Dedere Inferi Tirannos, vetus Roma Cæsares dedit, Gigantes suos: data postmodum in Pontificibus Sanctissimos Ecclesiæ totius Pastores, & in Purpuratorum Patrum Senatu, almæ Sionis imaginem.

Statuam nescioquam memorant, quæ diu scalprum lassaverat, nondum perfecta cum foret, fulminis ictu absolutam. Christi Ecclesiam verè statuam dixeris, quippè adversus irruentis Inferi portas verè stantem, semperque constituram. Statuam hanc fragore, & flammis, & linguarum divortiis, tribus quasi exitiorum nominibus, & fulminibus habemus è celo, quam prodigialiter, tam feliciter, & fundatam, & extructam,

F I N I S

